



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

XXXIII. De verbis Psalmi, Quis ascendet in montem Domini &c.

urn:nbn:de:hbz:466:1-39254

munienda recordatione propriæ professionis.

Voluntas contra affectiones record. cœlestis patriæ.

*k Apoc. 3. d
Ratio contra malam in tent. recordatione gehennæ*

arpibus sese cogitationibus senserit animus prægravari, increpet se & dicat sibi : Tu ne hæc debes cogitare, qui sacerdos es, qui clericus es, qui monachus es ? Cultor justitiae debet in se quicquam iniquum admittere ? Decet servum Christi, amatorem Dei tale aliquid ad modicum meditari ? Hæc dicendo, excludet fluxum illicitæ cogitationis per recordationem propriæ professionis. Similiter ad portam *Voluntatis*, in qua solent manere carnalia desideria, tanquam in domo domestica familia, statuatur ostiarius, qui vocatur *recordatio cœlestis patriæ*. Hic enim potest pravum desiderium quasi cuneus cuneum expellere : & ipsum qui ait ^k : *Ecce sto ad ostium & pulso*, sine cunctatione recipere. Iam verò ad thalamum *Rationis* talis & tam ferox adhibendus est custos qui nemini pareat, sed quicunque hostis five clam five palam ingredi præsumperit, procul eum arceat, & hic sit *recordatio gehennæ*. In cæteris siquidem, id est, memoria & voluntate, non ita est tolerabile, si vel memoria recipiat quandoque vagam congitationem, vel voluntas impuram affectionem. Hoc verò gravissimum & omnino damnosum, si unquam ratio perdidit rectitudinem intentionis.

S E R M O XXXIII.

De verbis Psalmi : *Quis ascendet in montem Domini ? &c. Innocens manibus & mundo corde, &c. Psal. 23. a*

*V*erbum exhortationis est, Fratres mei : ut quandoquidem omnes ascendere nitimur, omnes tendimus in sublime, sursum aspiramus omnes, omnes conamur in altum ; illuc studeamus ascendere, ubi bonum sit nos esse, ubi securum sit nos esse, unde cadere non oporteat, ubi stare possimus. Nee modo ut desiderium provocet, ascensionem montis huius Prophetæ requirit ; verum etiam ut ascendere cupientem modum doceat ascendendi. Felix qui huius montis ascensiones in corde suo disposuit, concupiscens & deficiens in atria Domini. Siquidem mons ube, bonorum omnium cumulus, mons voluptatis æternæ, domus Dei est. Et beati qui habitant in domo tua Domine, in sæcula sæculorum laudabunt te ^e. Audi testem fidem quia mons est domus ista ^d, *O Israel quam magna domus Domini, & ingens locus possessionis eius, magnus & non habens consummationem, excelsus & immensus*. Imò verò non solum mons est, sed & mons montium, & multæ in eo mansiones, multi montes. Denique etiam fundamenta eius in montibus sanctis. Et ne hoc quidem sanctus tacuit Isaias. *Erit, inquit f, mons dominus Domini preparatus in vertice montium, & elevabitur super colles*. Quidni montium mons, fundatus exultatione universæ terræ, ubi tam multiplex omnium delectabilium copia, ubi copiarum omnium plenitudo ? Erit enim mons pacis, mons gaudij, mons vitae, mons gloria. Et hi omnes montes unus mons consummatæ felicitatis.

Cœlum mons montium, ubi

tis. An non mons pacis, pax super pacem, pax quæ exuperat omnem sensum? omnium bonorum copia.

Planè mons magnus pax in corde, pax in carne, pax ab iniquis hominibus, pax cum omnibus proximis, pax ab ipsis Dæmonibus, pax cum Deo, & pacis non erit finis. Erit gaudium, sed quale Dominus ait ^e, *gaudium g* ^{Ioan. 15. e} plenum, securum gaudium, *quod nemo tolleret à nobis*, sed & vitam habituri sumus, & abundantius habituri, quod non possit inefficax esse tanti pastoris adventus, qui ad hoc ipsum venit ad oves (sicut ipse testatur ^f) *ut vitam h* ^{Ioan. 10. c} habent, & abundantius habent. Nonquid non etiam mons tibi videtur æternum gloriæ pondus supra modum in sublimitate? Portò ex his omnibus, & si qua possunt similiter desiderabilia cogitari, una est beatitudinis mensura bona, conferta, coagitata, supereffluens ⁱ, ac si plurimos montes, alium quidem aureum, alium argenteum, alium ex hyacinthis & smaragdis atque omnium gemmarum gloria, alium quoque ex vermiculo, purpura & bysso cæterisque eiusmodi opibus pariter coacervans in unum redigas montem. Omnia enim nobis multiplicata reddentur. Et qui aurum & argentum, lapides preciosos superædificaverit fundamento, ædificium humile in immensos montes excreuisse mirabitur, & ex modico semine magnos metet non tam manipulos, quam acervos manipulorum.

Quis ergo ascendet in montem Domini, aut quis stabit in loco sancto eius? ^j
Innocens manibus, & mundo corde. Beatus ille, si quis tamen ille est. Sed quis gloriabitur innocentes manus, aut castum se habere cor? *Nemo mundus à forde, nec infans cuius est unius diei vita super terram k*. Unus tamen est inter noxios innocens, mundus inter impuros, inter mortuos liber, unus est, & non æstimabitur alius absque eo. Ipse est de quo legisti ^l. *Nemo ascendit in cælum, nisi qui descendit de cælo, filius hominis qui est in cælo.* Erat enim innocens manibus, qui peccatum non fecit, sed multa bona operatus Iudeis libere ajebat ^m: *Quis ex vobis arguet me de peccato?* An vero mundissimum cor fuisse quis dubitat unitum personaliter sapientiae, in quam nihil inquinatum incurrit, attingit autem ubique propter suam munditiam? Sed non in vano accepit animam suam, qui solus potestatem habuit ponendi animam suam ⁿ, & iterum resumendi. Non in vano accepit nascens, non in vano posuit moriens, non in vano recepit resurgens.

At quomodo non in dolo juravit proximo suo, quomodo non in vano accepit animam suam, quomodo non in vano omnia illa perfecit, si hic solus accipiat benedictionem? Itane oportebat Christum pati, resurgere, & sic introire in gloriam suam ^o? Sua erat. Quæ utilitas in fanguine eius, dum omnes descendimus in corruptionem? Quæ veritas in promissione, si (ut supra meminimus ^p) nemo ascendit in cælum, nisi qui de cælo descendit? *Esto hic accipiat benedictionem, misericordiam quare?* At non solus hic accipiet,

accipiet, aut certè magis non soli sibi accipiet, si advertas. Perge enim per sacra verba prophetica, & vide quonam modo (velut occultè) multitudinem subinducit. Loquebatur de uno & dicebat, hic accipiet. Sed continuo transfudit in hanc generationem, & ait, Hæc est generatio querentium: ut in uno non personæ singularitatem intelligas, sed spiritus unitatem. Nimirum hic sponsus & hæc sponsa est, & scimus quis dixerit g. Iam non sunt duo, sed una caro. Ita ergo hic ascendet, hic accipiet benedictionem, sed ascendent etiam cum eo vel magis in eo qui ab eo accipient benedictionem.

g Eph. 3.

h Psal. 83. e nem. Audi hoc à Propheta h: Etenim benedictionem dabit legislator, ibunt
i Luc. ult. g de virtute in virtutem. Atque hoc est propter quod oportebat Christum pati, & resurgere à mortuis; ut prædicetur in nomine eius poenitentia & remissio peccatorum, & poenitentia ad innocentiam, remissio ad munditiam deputetur. *k Psal. 31. a* bit Dominus peccatum *k*, Inveni, ait *l*, hominem secundum cor meum. Nunquid ut gloriari possit castum se habere cor? Non: quia stellæ non sunt munera *m* lob. 25. d dæ in conspectu eius *m*, sed cor contritum & humiliatum Deus non despiciat *n*. Cor contritum proximum cordi mundo, & hoc est esse juxta cor Dei. Siquidem prope est his qui tribulato sunt corde. Samaritanus est proximus ei qui incidit in latrones. Non jurabit in dolo huic proximo suo *o*, sed p Matt. 19. d faciet quod promisit: Amen dico vobis, sedebitis & vos judicantes *p*.

Manum in-
nocentia &
cordis mundi-
tia sectanda.

Simus ergo & nos, dilectissimi, pro nostro quidem modulo, & manuum innocentia, & cordis munditiae sectatores. Ante omnia quidem solliciti, et si penitus cayere pro humana fragilitate non prævalemus, quantum tamen declinare à malo possumus non modo actionis, sed & cogitationis. De cætero quoque ne in vano acceperimus animas nostras rationales, exerceamus nos in operibus bonis, & consilio rationis utamur. Quomodo enim non frustra humanam accipit homo animam, qui tanquam unum ex irrationalibus animantibus incubans corporeis voluptatibus solum sequitur carnis appetitum? Addidit quoque Propheta. Nec juravit in dolo proximo suo. Sicut enim munditiam intra nos, erga proximum innocentiam convenit observari, sic & in nobis, & erga proximum exercenda virtutis opera, opera pietatis. Non ergo simus nobis inutiles, ne in vano receperimus animas nostras: non simus inutiles proximo nostro, ne in vano ei iurasse probemur. Novit figuratum nostrum spiritus qui loquebatur per Prophetam, nec de utilitate proximi simpliciter voluit commonere. De juramento nos convenit, ut agnoscamus debitum, ut promissam fidem irritam facere vereamur. Omnes enim proximi jurati sumus, cum quibus in Ecclesiæ venimus unitatem,

*Quid proximi
debeamus.*

Et hæc professio fidei Christianæ, ut qui vivit, jam non sibi vivat sed ei qui pro omnibus mortuus est. Nec mihi dicat quis: Et vivam sed

sed tibi non: quandoquidem ille non solum pro omnibus vixit, sed & pro omnibus mortuis est ^a. Quomodo enim ei vivit, qui negligit sic ab eo dilectos? Quomodo ei vivit, qui legem ejus non implet, qui mandatum ejus non servat? Quæreris legem, quæreris mandatum? *Hoc est*, inquit ^b, *mandatum meum, ut diligatis invicem sicut dilexi vos*. Et Apostolus ^c: *Alter alterum Iohannem 13. d* terius onera portate, & sic adimplebitis legem Christi. Noli ergo putare grauitatum bonum quod exhibes proximo, ut liceat etiam dissimulare si velis. Debitor es sacramenti cautione, & propria professione teneris. *Hic ergo accipiet benedictionem a Domino, & misericordiam a Deo salutari suo*. Hic, quia unus accipit bravium. Sed ne unum hominem putes, *haec est generatio quaerentium Dominum*. Hic accipiet benedictionem: quia caput & corpus unus est Christus ^t. Sed haec est generatio, quia in mensura ætatis plenitudinis Christi omnes pariter occurremus ^u.

Et forte idem ipse Dominus mons Domini est, de quo dicitur: *Quis ascendet in montem Domini, aut quis stabit in loco sancto ejus?* Nimirum ipse est abicitus sine manibus lapis, qui in montem crevit immensum ^x: ipse qui exaltatus a terra omnia trahit ad se ^y: *mons coagulatus, mons pinguis* ^z. Ut quid vos Judæi, ut quid suspicamini montes coagulatos, montem in quo beneplacitum est Deo habitare in eo? In Beelzebub, inquit ^a, principe dæmoniorum ejicit dæmonia. Execranda suspicio, & blasphemia reprehensibilis. Princeps ^b Luc. 11. b est Christus, & magnus princeps, cuius ne ipsi quidem dæmones possunt effugere principatum. At illorum regnum in seipsis divisum desolabitur ^b. ^b Ibidem. Hujus regnum integrum atque perfectum & regni ejus non erit finis ^c. Distat ^c Luc. 1. c ergo inter principem & principes, nec ulla comparatio inter montem coagulatum & pinguem, & montes tantum coagulatos. Vester iste Beelzebub mons coagulatus, sed non pinguis, magis autem sterilitate perpetua maledictus. Mons, quia elatus est: coagulatus, quia squama squamæ conjungitur, & coagulatum est sicut lac eorum.

Christus Dominus mons est, mons coagulatus, & mons pinguis. *Christus mons coagulatus & pinguis*. Mons est sublimitate, coagulatus multorum congerie, pinguis charitate. Et nunc vide quomodo trahat ad se omnia, quomodo ei omnia uniantur unitate substanciali, personali, spirituali, sacramentali. Habet in se Patrem, cum quo est una substantia; habet assumptum hominem, cum quo est una persona; habet adhærentem sibi fidem animam, cu qua est spiritus unus; habet sponsam Ecclesiam unam omnium electorum, cum qua est caro una. Et forte carnis hæc unio dicenda fuisse videbitur; sed sacramentalem dicere malui, dignius hoc vocabulum arbitratus, præsertim occasionem dante Apostolo ubi ait ^d: *Sacramentum hoc magnum est, ego autem dico in Christo & in Ecclesia*. Pinguisimus plane & uberrimus mons, in quo beneplacitum est DEO.

Psal. 67. d
e Psal. 44. b

Quomodo ad
hunc montem
ascendendum.
Cant. I. a

Psal. 62. a

Eph. I. a

In hoc Sermo-
e quibusdam
erbis Origenis]
inus sanū sen-
tis praesentia-
us antidotum
dhibet.
terba Origenis,

Levit. 10. b

rsigenis scripta,
t in multis or-
mea caute le-
enda.

est Deo habitare in eo : siquidem propterea unxit eum oleo lætitiae præ participibus suis ^e. Mons cœlestium aromatum, mons charismatum spiritualium, non ad mensuram accipiens spiritum, sed omnimodam obtinens plenitudinem gratiarum. Magnus mons, in quo omnes thesauri sapientiae & scientiae absconditi sunt, in quo tota humanitatis veritas, tota divinitatis inhabitat plenitudo ; excelsus & immensus : in quo omnia instaurantur quæ in cœlis & quæ super terram, ut sit Deus omnia in omnibus.

Venite, ascendamus in hunc montem, fratres, & si via nobis videtur ardua, exoneremus nos : si arcta, etiam exinanire nos non parcamus : si longa, tantò magis festinemus : si laboriosa, clamemus ei : *Trabe nos post te, in odore unguentorum tuorum curremus f*. Felix qui sic cucurrerit, ut comprehendat, immo ut ipse comprehendatur, & in illam amplitudinem montis & plenitudinem corporis Christi mereatur admitti. Felix qui in illum beatificum montem tam desideranter & perseveranter ascendit, ut in loco sancto locum accipiens stationis, Deo Patri in sancto ejus appareat, simul & videat virtutem ejus & gloriam ^g. Haud aliam sanctè, quam eundem ipsum montem montium, montem coagulatum & pinguem, Jesum Christum Dominum nostrum. In quo nimirum per prædestinationem ab æterno apparuit ei qui dilexit nos, & gratificavit in dilecto Filio suo, in quo elegit nos ante mundi constitutionem ^h. Sed jam tunc cognoscemus sicut & cogniti sumus, cum plenius & perfectius exaltatus altissimus & uberrimus ille mons omnia trahet ad se, qui est super omnia benedictus in secula. Amen.

S E R M O XXXIV.

De verbis Origenis.*

Nocere possunt, ut vereor, forte nonnullis verba quæ herilecta sunt vobis, ex homilia scilicet Origenis super capitulum illud legis, ubi Aaron & filii ejus vinum bibere prohibentur, cum accessu sunt ad altare : si recipient ea simpliciter sicut sonare videntur. (Salvator meus, inquit, Iuget etiam nunc peccata mea, & tandem est in mœrore, quandiu nos persistimus in errore.) Plurima quoque alia in hunc modum abundantius forsitan quam circumspectius dicta, nec tam sobrie quam diserte. Quidnam sibi vult insolitus iste grunitus, aut quis inter vos nescio quid submurmurat ? Scio quidem doctos in lege divina hujusmodi verba ridere, sed nihilominus & minus sapientibus me confiteor debitorem. Nec modo de intellectu Origenis quæstio est, potuerit forsitan hyperbolice loqui : ipse videtur, nihil interest nostra. Quamvis ne hoc quidem silendum arbitror, quod evidenter illum contra fidem nonnulla scripsisse, sanctorum

Patrum